

مبادئ في الحياة الروحية

عروس المسيح

ج 1

إعداد

بيت محبة الله

اسم الكتاب : سلسلة مبادئ في الحياة الروحية.

عروس المسيح ج1

إعداد: خدام بيت محبة الله للطلبة المغتربين.

رقم الإيداع: 2016/7455

الترقيم الدولي: 9-859-03-9779-978

I.S.B.N

* لنا رجاء فى المسيح ان تصل هذه
السلسلة إلى يد كل شاب مسيحي بأقل
تكلفة.

*يمكنك ان تشاركنا هذا الرجاء بإهداءها
لأصدقائك واحباءك.



قداسة البابا تواضروس الثاني
بابا الإسكندرية وبطريك الكرازة المرقسية (118)

تقديم

مریم: مالک یا مشیل کل أسبوع تروح الدير بتعمل إيه هناك؟

- بأروح لأبونا باخوم هو أبى الروحى!!

- يعنى بتعترف كل أسبوع!!

- لا طبعا مش علشان اعترف فأب اعترافى هنا فى الكنيسة

لكن علشان بأخذ معاه منهج روحى "منهج مبادئ الحياة الروحية" علشان كدا بأحتاج أقعد معاه وقت طويل وبشكل منتظم!!

- وهاتروح كدا كل أسبوع على طول!!

- لا طبعا هو منهج متدرج بعد ما بأخذه بأبدأ أخدم بيه

وبيبقى فيه متابعة بعد كدا لكن بيقى على فترات.

- طيب يا مشيل افرض بنت زىّ عاوزه تتابع المنهج دا أعمل

إيه!! ممكن أجى معاك الدير لأبونا باخوم!!

- لا طبعا. أبونا باخوم راهب وهو مش بيقعد غير مع

الشباب بس.

- يعنى إحنا البنات دايمًا كدا مالناش حظ فى أي حاجة

حلوة.

-طيب أنا عندى فكرة. دير الراهبات اللى جنب الدير، فيه تماف رائعة ممكن تروحي وتتابعى معاها وهى بتابع مع بنات كثير وبترشدهم.

-تمام كدا يا مشيل. اعرف لى التفاصيل وبنعمة ربنا أروح من الأسبوع الجاى.

وفعلا رocht لدير الرهبات وأنا كلى فرح إني هالاقى حد يتابعنى ويفهمنى ويقدر يرشدنى ويحس بى وأقدر أقوله مشاكللى بدون إحراج، فمش بيعس بمشاكل البنات غير اللى عدى بيها. وجدت تماف مستينانى. سلمت عليها وجلست وأنا في خجل فدى المرة الأولى اللى أقعد فيها مع راهبة، فقالت لى بابتسامة وعطف.

تماف: إزيك يا بنتى إيه أخبارك؟!

قلت: نشكر ربنا يا أمى. الصراحة مش عارفة ابدأ إزاي!!
أخويا مشيل بيروح الدير ويتابع مع أب هناك منهج روحى وأنا كنت عاوزه حد يتابعنى ويرشدنى ويفهم مشاكل البنات بدل التخبط اللى أنا فيه، فلو تسمحى لى يا تماف إني أتابع معاكى يبقى بركة كبيرة.

تماف: أنا اللي أخذ بركة يا بنتى. إحنا ممكن نبدأ مع بعض نفس منهج مبادئ الحياة الروحية اللي بيتابعه مشيل بس هايكون فيه شوية حاجات تناسب البنات أكثر شوية. قلت: ياريت يا أمى.

تماف: قبل ما نتكلم عن مبادئ الحياة الروحية هاكلمك في حاجة ضرورى كل بنت تبقى عارفاهم عن نفسها.

الله ما علدهوش فرق بين رجل وامرأة أو بين ولد

فالله اللي خلق الرجل هو اللي خلق المرأة. الله اللي فدى الولد هو اللي فدى البنت. الله اللي يحب الولد بنفس الحب يحب بيه البنت تماما. دا يمكن البنات ليهم فرصة أكثر في محبة ربنا!!

قلت: إزاي!!

تماف: لأنهم بيكونوا حاسين بضعفهم دايمًا.

قلت (مقاطعة): يعنى فعلا إحنا ضعفاء؟!

تماف: لا طبعًا يا بنتى إنت قوية، قوية بالمسيح، فلو العالم بيحسبنا ضعفاء لكن المسيح هو قوتنا. فمكتوب "تكفيك نعمتي لأن قوتي في الضعف تكمل" (2 كو 12: 9). فإحنا

قوتنا في المسيح، وحمايتنا في المسيح، وكل ما بنقرب منه أكثر
بنختبر محبته بشكل عملي أكثر، لكن الأولاد فيه كثير منهم
يكونوا مشغولين بحاجات كثير وبإهتمامات كثير وبسهولة
وقتهم يضيع، وفيه اللي بيعتمدوا على قوتهم الشخصية
فاعتمادهم على ربنا يكون أقل وبينشغلوا عن حياتهم الروحيهم
وعلاقتهم بالمسيح.

قلت: لكن ما تعودناش على كذا فيه أسر كثير بتفضل الولد
على البنت!!

تماف: سامحنى يا بنتى دا نوع من الجهل وعدم المعرفة.
الإنجيل ما قالش كذا أبدا دا مكتوب "ليس يهودي ولا يوناني
ليس عبد ولا حر ليس ذكر وأنثى لأنكم جميعا واحد في المسيح
يسوع" (غل 3: 28). فكلنا صورة الله ومثاله، طيب هو
ذنب البنت إيه إنها تولدت بنت!! أو إيه فضل الولد إنه تولد
ولد!!

قلت: مافيش طبعاً.

تماف: هو مين أفضل من أمنا العذراء!! هو مين زى
القديسة تكلا اللي بشرت بالمسيح مع بولس الرسول وفي

النهاية رموها للوحوش!! هو مين زى القديسة دميانة اللى
عانت عذبات مريرة ووبخت أبوها لما أنكر الإيمان!!

قلت: عندك حق يا أمنا!! لكن إيه سبب التفرقة دى إيه
اللى بيخلى الناس تفرق بين الولد والبنت!!

تماف: حاجات كتير هانخذها بالتفصيل مع بعض، لكن
أهم سبب هو تأثرنا بمجتمع ذهنه كله أرضى وتفكيره فى الأمور
اللى هاتزول. فالبنات المسيحيات محظوظة إنها إتولدت
مسيحية فمافيش أي ديانة فى العالم بتقول إن الرجل زى المرأة
هنا وفى السما غير فى المسيحية، لو دورت أي بنت مش
هاتلاقى حب زى حب الله فى المسيحية، الله فى المسيحية لكل
بنت هو أب وصديق وعريس وحييب.

قلت: فعلا إحنا محظوظين إننا إتولدنا مسيحيين، لكن ولو
بنت اتعرضت لتفرقة وتعب من أهلها تعمل إيه!!

تماف: ضرورى تعرف إن قيمتها الحقيقية هي فى المسيح.
فأهم حاجة تخليك تنمو وتستمرى فى حياتك الروحية وتقدرى
تواجهى حروب العالم إنك تعرفى قيمتك فى المسيح.
قلت: وإزاي أعرف قيمتى فى المسيح؟

تماف: أهم حاجة تساعدك إنك تعرفي قيمتك في المسيح.
هي إنك

تصدقى إنك عروس للمسيح

قلت: هو مش البنات اللي بتترهبن هم بس اللي نقدر نقول
عليهم عروس المسيح؟!
تماف: لا طبعاً يا بنتي. كل واحدة فينا هي عروس المسيح
سواء اترهبت أو اتجوزت، ومش بس كذا دا الشباب والأولاد
هم عروس المسيح برضة، لأن العرس مش أرضى لكن هو
ارتباط روحى زى ما بيقول بولس الرسول "لأني خطبتكم لرجل
واحد لأقدم عذراء عفيفة للمسيح" (2 كو 11: 2) فهو لما
بيقول كذا مش بس عن البنات اللي بتترهبن. لكن كل شخص
مسيحى هو مرتبط بالمسيح ارتباط روحى أبدى. فمش بس
الرهبات أو البنات اللي مش بتتجوز هم عروس المسيح،
فضرورى تصدقى إنك عروس للمسيح سواء هاتتجوزى أو

تترهبنى. فلو كل بنت صدقت إنها عروس المسيح هاتحس بقيمة كبيرة جدا وداها يعوضها عن أي تعب أو أي تقصير من أهلها ويخليها تعرف قيمتها الحقيقية وتبقى شبعانة بحب المسيح وبكدا تقدر تدوس على كل شهوات العالم.

قلت: تمام يا أمنا هاصدق إني عروس المسيح لكن إيه الخطوات العملية علشان صدق وأعيش كعروس للمسيح؟!

علاقة الله بالإنسان
ليست علاقة تمثال
بصانعه أو خليفة جامدة
بأله قوى جبار إنما هي
علاقة حب متبادل أو
قل عشق بين حبيبين
أحدهما صورة أو ظل
والآخر هو الأصل
ق. الحب الإلهي ص

12

تماف: ثلاثة حاجات يساعدوك
إنك تعيش كعروس للمسيح. 1-
تعبري له عن مشاعرك 2- يكون
هو المسئول عنك 3- تصدقي حبه
ليك
أول حاجة إنك:

تعبري له عن مشاعرك

الحقيقية.

يعنى لو فيه شابة تعبانة في أسرتها تشتكى وتعبر عن مشاعرها وتعبها للمسيح، فالعريس هو المسئول إنه يدافع عن عروسته بس المهم إنها تشتكى ليه وتعبر له عن تعبها.

قلت: يعنى تشتكى تقول إيه؟

تماف: تقول

”يارب يسوع أنا تعبانة، يارب يسوع عرفنى
قيمتى، أنت شايف التعب اللى أنا فيه، أنت شايف
جروحي تعالى وطبطب علىّ، تعالى واحتضنى يارب،
تعالى واشبعنى بالحب اللى اتحرمت منه من أهلي أنا
ماليش غيرك يارب يسوع“.

قلت: لكن لو الواحدة صلت كذا المسيح مش هازرعل!!
تماف: لا يا بنتى. المسيح حابب إنك تعبرى عن مشاعرك
زى ما هي، المسيح هو الوحيد اللى تقدرى تكلميه من غير
خجل، الصلاة في المسيحية مش محفوظات بترديدها ولا طقوس
المفروض تقوليها، لكن هي علاقة حب بين بنت وأبوها الحنين
الطيب، بين شابة وعريسها السماوى اللى مقدر قيمتها كويس
لأنه دفع فيها دمه.

قلت: وحتى لو كلام عتاب لربنا نفسه ممكن أقوله!!

تماف: طبعا يا بنتى. المسيح هو عريسك السماوى والعلاقة دائما بين العروس والعريس ضرورى تكون مبنية على الصراحة فلما تكونى زعلانة منه قولى له "أنا زعلانة منك". ولما تكونى مش حاسة بيه قولى له "أنا مش حاسة بك الأيام دى". ولما تكونى محتاجة لحب قولى له "أنا محتاجة تشبعنى بحبك". ودا هو الكلام اللى بنصليه فى المزامير فمكتوب "إليك يا رب اصرخ يا صخرتي لا تتصامم من جهتي لئلا تسكت عني فأشبهه الهابطين فى الحب" (مز 28: 1). ومكتوب "يا رب لماذا تقف بعيدا لماذا تختفي فى أزمنة الضيق" (مز 10: 1). ومكتوب "أعظمك يا رب لأنك احتضنتنى

ولم تشمت بي أعدائي (مز 30: 1). مش أنت بتصلى المزامير دى يا بنتى!!

قلت: الصراحة كنت بأصلى المزامير دى لكن للأسف من غير فهم كان مجرد تلاوة، كنت أحسب إن كلام الحب دا بس للأنبياء

أنت تختضن وجودى
برعايتك إياى رعاية
كاملة دفعة واحدة
تحتضنى على الدوام
كانك لا تتطلع إلى آخر
غيرى تسهر على
وكانك نسيت كل
الخلقة. تهبنى عطايك
كانى وحدى موضوع
حبك
ق. أغسطينوس
الحب الإلهى ص 14

وكلام العتاب كان مستحيل أفكر إنه كلام بجد!!

تماف: لا يا بنتي اللي بيهم ربنا هو الفهم مش مجرد التلاوة،
الى بيهم ربنا التعبير عن المشاعر الحقيقة مش مجرد التمثيل.
إبداءى من النهاردة كل كلمة تصلحها تكون بفهم وتركيز،
إبداءى تعبرى عن مشاعرك الحقيقة من غير خوف مهما
كانت.

قلت: لكن لو كلمت المسيح كتير كدا مش هازهق منى
وأنت عارفة يا أمنا أن البنات رغبة وبتحب الكلام الكثير؟
تماف: دى نقطة قوة عند البنات مش نقطة ضعف. فالله بيحب إننا
نكلمه في كل وقت مكتوب "ينبغي أن يصلح كل حين ولا يمل
(لو 18: 1). وكل ما تكلمى ربنا أكثر كل ما تعرفه أكثر،
فالمعرفة بتيجي من خلال العشرة والتعامل.

قلت: حتى لو كان الكلام في البداية من غير مشاعر.
تماف: المشاعر بتنمو مع الوقت من خلال العشرة والتعامل،
فلو أنت تعرفت على صديقة في الكلية مش بتتقى فيها ولا
بتتكون صداقة قوية غير بعد فترة من التعارف وكل ما تتعامل
معها أكثر يبقى فيه محبة أكثر، علشان كدا فيه نقطة مهمة
للبنات في تعاملاتها.

قلت: وإيه هي يا أمنا؟

تماف: ضرورى أن كل بنت تبقى عارفة هي بتتعامل مع مين!! وتخط حدود في التواجد وفي التعامل، لأنه لو معملتش كدا مع الوقت-من غير ما تدرى-

بلياقة يدعى القديسون
ملوكا فى لغة الكتاب
المقدس إذ يرتفعون
فوق العواطف الجسدية
ويضبطون ملذات
الشهوة
البابا إغريغوريوس
الكبير
الحب الإلهى ص 72

ممكن تلاقى نفسها وقعت في
شباك الذئاب الخاطفة اللى ممكن
تفترسها- حتى لو إرادتها رافضة
وعارفة خطورة الطريق وشايعة نهايته
المدمة.

قلت: ليه ممكن يحصل كدا؟!!

تماف: لأن التواجد الكثير

والتعامل عن قرب بيخلى العاطفة يحصل لها سبي أو إدمان
فتكون مش عارفة تتحرر زى المدمن اللى يبقى عارف خطورة
اللى بيعمله لكن مش بيكون قادر يتحرر.

قلت: طيب لو دا حصل إيه الحل؟

تماف: لسه هانتكلم عن كدا بالتفصيل لكن إحنا دلوقتى
بنتكلم عن الوقاية وعن وضع أساس قوى وحقيقى لعلاقتنا
بالمسيح، فلو حصل إن المسيح بقى عريس كل واحدة فينا

هاتكون شبعانة بجبهه وهايكون عندها حكمة وتقدر تميز وتبعد
عن كل وسط ملوث وتقدر تحط حدود لتعاملاتها وبسهولة
تدوس كل شهوات العالم ومحبه المزيفه فمكتوب "النفس
الشبعانة تدوس العسل" (أم 27: 7).

قلت: لكن أتكلم في إيه يا أمنا؟

تماف: اتكلمى في احتياجاتك في أمورك الصغيرة والكبيرة.
وأنت بتعملى شغل البيت كلميه "يارب ساعدنى " وأنت
بتذاكرى دروسك كلميه "يارب أدينى حكمة " وأنت في
الطريق كلميه "يارب استر على في الطريق واحمينى من كل شر
وخلى المترو يكون فيه مكان فاضى".

قلت: وهل الكلام دا صلاة؟

تماف: طيب إيه الصلاة من وجهة نظرك!!

قلت: الصلاة بتكون في الكنيسة أو لما أقف أصلى في
البيت!!

تماف: وهو المسيح لما قال "نصلى كل حين" (لو 18: 1)،
يعنى كدا مش هانذاكر!! مش هانأكل!! مش هانشتغل!! هل
هانفضل كل حين رافعين أيادينا طول الوقت؟ !! الصلاة يعنى
يبقى فيه صلة بينك وبين عريسك السماوى اللى هو معاك في

كل وقت، اللى تقدرى تشاركيه في كل حاجة، اللى تقدرى
تطلبه في كل دقيقة. وأنت نائمة وأنت صاحبة وأنت في الطريق
وأنت في البيت.

قلت: يعنى ممكن أكلم ربنا وأنا نائمة!! دا فيه أوقات بأكون
قلقانة بالليل وأحب أكلم ربنا علشان يدينى سلام لكن كنت
بأخاف!!

تماف: ليه يا بنتى تخافى!!

قلت: لأن في مدارس الأحد كانوا بيقلولوا حرام تكلمى ربنا
وأنت قاعدة أو أنت نائمة!!

تماف: طبعا فيه وقت بنكلم ربنا وإحنا واقفين في الكنيسة
أو لما نصلى في الألبية، لكن مش هي دى الصلاة الوحيدة
فالصلاة هي علاقة حب مستمرة وصلة مع حبيبك وعريسك
السماوى "في كل حين"، فأى كلام تقولييه هو صلاة، فحتى
لو نائمة تقدر تكلميه ولو في الطريق تقدرى تطلبه، فمجرد
كلمة

"بأحبك يا يسوع يا حبيبى"¹

¹ احبك يا رب يا قوتي (مز 18 : 1)

فدى صلاة وصلاة عميقة، وتديك شبع بالحب الى
يحميك من جوع الحب ومايخليكيش تدورى عليه في أماكن
غريبة. فالمسيح من حبه وقربه وطيبة قلبه بنقدر نقوله باسمه "يا
يسوع". شفقتى أد إيه إلهنا طيب وحنين وقريب لينا، أب وصديق
وعريس وكمان بنقوله باسمه من غير ألقاب. الصراحة إحنا
محظوظين إننا مسيحيين زى ما

من راه، ثم احتمل أن لا
يراه؟! من سمع صوته،
واحتمل أن يعيش بدون
سماع صوته؟! من
استنشق رائحته، ولم
يجئ حالا ليتنعم به؟!
الشيخ الروحانى
الحب الإلهى ص 86

بيقول موسى النبي "لأنه أي شعب
هو عظيم له آلهة قريبة منه كالرب
إلهنا في كل أدعيتنا إليه" (تث 4:
7). فمين يقدر يقول عن إلهه إنه
عريس وحبيب ويقول له باسمه زى
الرب يسوع.

قلت: طبعا إحنا محظوظين يا أمى إننا مسيحيين، لكن مش
إننا نقوله باسمه دى صعبة شوية. دا مرة في الكورال كان فيه
ترنيمة بتقول "إن كنت في شدة وضيق فيه واحد اسمه يسوع
ثبت أنظارك فيه وهمومك سييها عليه" فأمين الخدمة زعل وقال
"إيه الترنيمة المستحدثة دى!! اسمه يسوع!! اسمه ربنا وإلهنا
ومخلصنا يسوع المسيح له المجد"

تماف: ساحيى يا بنتى. دا نوع من عدم المعرفة، دا أغلب
ترانيم التراث فيها كلمة يسوع. مش فيه ترنيمه بتقول "يا سائح
للقاء يسوع"
قلت (بابتسامه): فيه!!

تماف: وفيه ترنيمه بتقول "ساحنا يا فادينا باركنا يا يسوع"
وترنيمه بتقول "لما أكون تعبان
أنت اللى تريحنى يا يسوع"
و"أحلى حبيب بيعزبنى" وكثير
من الترانيم اللى موجوده قبل كلنا
ما نتولد. دا كمان فى القداس فى
التوزيع بنقول ترنيمه "ليل العشاء
السرى ونقول فيها "يسوع
حبيب قلبى" ونكرها أربع مرات.

أيها الحب الإلهي
احتضينى امتلكنى
بكلينى فالتصق بك
تماماً... لاحبك يا إلهي
لأنك أحببتني أولاً
الشيخ الروحاني
الحب الإلهي ص 155

قلت: فعلا كدا طيب إيه المشكلة!! هم بيخوفونا ليه!!
تماف: المشكلة إننا حافظين مش فاهمين. المشكلة اللى
بيقول كدا هو ما عند هوش حب حقيقى للمسيح وكل علاقته
على مستوى الشكل والطقس وبس! وعاوز كل الناس تبقى
زيه!! هو بيقول كلام وهو مش مركز فيه علشان كدا بيناقض

نفسه!! لكن لو إحنا حبيننا المسيح واتعملنا معاه كحبيب وعريس هانبقى فاهمين اللي بنقوله ونركز فيه ونقدر نميز اللي بيتقال لنا.

قلت: تمام يا تمام. هاعبر عن مشاعري للمسيح وهكلمه وأرغى معاه في كل حاجة، لكن إيه النقطة الثانية اللي بتعبر إني صدقت إني عروس المسيح.

تمام: دى هانكملها المرة اللي جاية. نراجع اللي أخذناه النهاردة. اتكلمنا إن علشان تعرفي قيمتك في المسيح ضروري تصدقي إنك عروس المسيح وكان أول نقطة إنك تعبري عن مشاعرك ببساطة وبتركيز وفي كل وقت. ونكمل المرة الجاية بنعمة ربنا.